

ORGANI SHQYRTUES I PROKURIMIT

ANKESË

**Sipas Nenit 109 të Ligjit nr. 04/L-042 për Prokurimin Publik të Republikës
se Kosovës, i ndryshuar dhe plotësuar me ligjin Nr. 04/L-237,**

Një ankesë kundër: SPITALI SHEIKH ZAYED, Adresa e AK: RR.BEDRI PEJANI
Qyteti: VUSHTRRI, Personi Kontaktues: Sami Ahmetaj, E-mail: Sami.Ahmetaj@rks-
gov.net, Telefoni: 045/780902

Për Aktivitetin e Prokurimit Nr. i AP; 10/220/70050/00000/0731-24-5027-2-2-1
Sa i përket tenderit për; Sigurimi fizik i objektit te Spitalit të Përgjithshëm Vushtrri

1. IDENTIFIKIMI I OPERATORIT EKONOMIK

Grupi i operatoreve ekonomik "MEB L.L.C & KSF" MAJOR" SH.A
(emri i operatorit ekonomik)

Rr. Edit Durhan nr 213
(Adresa e OE)

Prizren, Kosove
(Selia)

meb.llc1@gmail.com
(Adresa elektronike)

Silaaytolun Damka +38348189198
(Drejtori)

(Nënshkrimi) 26.06.2024
(Data)



2. Identifikimi i avokatit

Parashtruesi i kërkesës mund ta parashtrojë kërkesën vetëm ose përmes avokatit të tij. Nëse kërkesa parashtrohet përmes avokatit, atëherë duhet bashkangjitur autorizimin e përfaqësimit me PROKURË.

Shëno të dhënat si në vijim:

N/A

3. Të dhënat mbi aktivitetin e prokurimit

Zyra e prokurimit të SPITALIT SHEIKH ZAYED ne tekstin e mëtejme do t' i referohemi si Autoriteti Kontraktues me datë 22 maj 2024 ka dorëzuar ne KRPP njoftimin për kontratë me titull te kontratës; Sigurimi fizik i objektit te Spitalit të Përgjithshëm ne Vushtrri.

Tenderi është publikuar ne Ueb faqen të KRPP-së në; 22 maj 2024 në;

- Procedurë të hapur,
- Kontrate publike kornize për 24 muaj.
- Numër të e-prokurimit 10/220/70050/00000/0731-24-5027-2-2-1
- Vlera e kontratës; Vlerë e mesme
- Kriteri për dhënie të kontratës: Çmimi me i ulte i tenderit të përgjegjshëm,
- Vlera e parashikuar e kontratës; 96,000.00 €

Afati i fundit për pranim të tenderëve është caktuar me datë 03.06.2024 në ora 12:00 në platformën e e-prokurimit.

Me date 14.06.2024, AK ka publikuar ne e-platformën e prokurimit Njoftimin për Vendimin e AK-se ku ka shpërblyer me kontratë Kompaninë e Sigurimit fizik "Scorpion" me adresë Rr, Vëllezërit Gërvalla , numër 54 , Ferizaj, Kosovë me vlerë totale të tenderit prej 90,316.80 € .

Me date 19.06.2024 ne cilësi te palës se interesit Grupi i operatoreve ekonomik "MEB LLC& KSF" MAJOR ka ushtruar Kërkesë për rishqyrtim kundër Njoftimit mbi Vendimin e AK-se (B58) .

Me datë 20.06.2024 AK ka shqyrtuar Kërkesën për rishqyrtim dhe ka marre Vendimin për refuzimin e kërkesës dhe si rrjedhojë e kësaj ka lënë ne fuqi Njoftimin për Vendimin e AK-se për shpërblyer te kontratës.

A keni marrë pjesë në procesin e Hapjes së tenderëve? Nëse po, specifikoni shkurtimisht ecurinë e procesit të Hapjes së Tenderëve.

Po

☒

Jo

☐

Hapja e tenderit është bere përmes platformës elektronike te E-prokurimit ne kohen e caktuar ne Njoftimin për kontratë.

5. Njoftimi mbi Eliminimin e Tenderuesve, nëse aplikohet

A jeni njoftuar me shkrim lidhur me eliminimin tuaj nga pjesëmarrja e mëtutjeshme në aktivitetin e prokurimit ?

Po

☒

Jo

☐

N/A

6. Dispozitat e shkelura nga Autoriteti Kontraktues

Specifikoni dispozitën ose dispozitat e LPP-së që supozohet të jenë shkelur nga Autoriteti Kontraktues që nga momenti i publikimit të Njoftimit për Kontratë/Konkurs të Projektimit, dhe nëse aplikohet gjerë në përmbylljen e këtij aktiviteti të prokurimit me publikimin e Njoftimit për Dhënien e Kontratës apo Njoftimit për Rezultatet e Konkursit të Projektimit apo Njoftimit për Anulim.

I pa kënaqur me Njoftimin mbi rezultatin e tenderit (B58) dhe në pajtim me 108A të Ligjit Nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr.05/L-092 , parashtrojmë këtë Kërkesë për Rishqyrtim të;

- **Njoftimit mbi Vendimin e Autoritetet Kontraktues (B58)** te datës 14.06.2024, ku AK ka propozuar për shpërblim të kontratës operatorin ekonomik; “Scorpion” me vlerë totale të tenderit prej 90,316.80 €
- **Njoftimit për eliminimin nga aktiviteti i mëtejme i prokurimit** (Letrës standarde për tenderues te eliminuar),
- **Vendimit për refuzimin** e kërkesës për rishqyrtim te AK-së të datës 20.06.2024

Pretendojmë e se Autoriteti Kontraktues përmes Komisionit për vlerësimin ekzaminimin dhe krahasimin e tenderit gjatë procedurës së vlerësimit, ekzaminimit dhe krahasimit të tenderit ka bërë shkelje te dispozitave të;

I. Ligjit nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092, (në tekstin e mëtejme do të i referohemi LPP-së) dhe atë konkretisht:

- Nenit 6, Ekonomiciteti dhe Efikasiteti
- Neni 56, Dispozitat e Përgjithshme mbi Përzgjedhjen e Pjesëmarrësve dhe Dhënien e Kontratave
- Nenit 59, Vlerësimi ekzaminimi dhe krahasimi i tenderit dhe
- Neni 60 Kriteret për dhënie të kontratës,
- Nenit 61, Tenderët Jo-Normalisht te ultë
- Neni 72, Dokumentacioni dhe informacioni shtesë

II. Rregullores Nr.001/2022 për Prokurimin Publik te datës 01.11.2022.

- Neni 38, Sqarimi i tenderëve
- Neni , 41, Tenderët jo-normalisht të ultë

Në vazhdim të kësaj ankese do t’ i argumentojmë pretendimet tona ankimore lidhur me shkeljet e dispozitave të;

1. **Të dispozitave të LPP-se në RK.**

➤ **Neni 6, Ekonomiciteti dhe Efikasiteti**

Pretendojmë se Autoriteti kontraktues me vendimin e vet që të shpërblej me kontratë tenderin e OE; “Scorpion” me vlerë totale të tenderit prej 90,316.80 € i cili ka ofertuar me çmimin total të tenderit në vlerë prej 90,316.80 €, ka bërë shkelje të dispozitave të nenit 6, paragrafin 1. dhe paragrafi 2, të LPP-se në Republikën e Kosovës.

Në vijim po citoj dispozitat e nenit 6. paragrafi 1 dhe 2 të këtij ligji,

1. Të gjitha autoritetet kontraktuese, janë të obliguara që të sigurojnë që fondet publike dhe burimet publike të përdoren në mënyrën më ekonomike, njëkohësisht duke marrë në konsideratë qëllimin dhe lëndën e prokurimit.
2. Fondet publike dhe burimet publike që janë ofruar ose që janë vënë në dispozicion sipas një kontrate publike mund të përdoren vetëm nga kontrata e tillë dhe vetëm për qëllimet e të njëjtës.

Bazuar në Vendimin e AK-se për rezultatin e tenderit i cili ka propozuar për shpërblim të kontratës, tenderin e OE në vlerë prej; 90,316.80 € si dhe bazuar në tenderin e parashtruesit të kësaj kërkesë Grupit të OE;(MEB LLC& KSF”Major” shpk) i cili ka ofertuar me çmim prej; 86,169.60 €, shohim qartë se AK, e ka dëmtuar buxhetin e AK-se dhe taksapaguesve të Kosovës në vlerë prej; 4,147.20 € dhe me këtë rast ka bërë shkelje të dispozitave të nenit 6 paragrafi 1 dhe 2 të LPP-se.

➤ **Neni 56, Dispozitat e Përgjithshme mbi Përzgjedhjen e Pjesëmarrësve dhe Dhënien e Kontratave**

Pretendojmë se Autoriteti kontraktues ka vepruar në kundërshtim me neni 56 , paragrafin 1.1 dhe paragrafi 1.2 të LPP-se në Republikën e Kosovës.

Në vijim po citoj dispozitat e nenit 56. paragrafi 1.1 dhe 1.2 të këtij ligji,

Të gjitha kontratat publike do të jepen, sipas procedurave të themeluara për një seleksionim të tillë, dhe përmes:

- 1.1. së pari, vlerësimi të tenderëve dhe kandidatëve sipas kërkesave të kualifikimit të specifikuar në njoftimin e kontratës dhe në dosjen e tenderit sipas paragrafit 2. të nenit 51 të këtij ligji, dhe tenderëve sipas specifikimeve teknike të kërkuara në bazë të nenit 28 të këtij ligji;
- 1.2. së dyti, vlerësimi i tenderëve në përputhshmëri të kritereve të vendosura në nenin 60 të këtij ligji.

Marrë parasysh faktin që Autoriteti Kontraktues, është i obliguar që tenderin ta vlerësojë në pajtim me kriteret për kualifikim dhe përzgjedhje të OE të përcaktuara në Njoftimin për kontratë dhe në dosje të tenderit si dhe Kriterin për dhënie të kontratës, si dhe bazuar në Vendimin e AK-se për shpërblym të kontratës, pretendojmë se Autoriteti kontraktues ka dështuar në kualifikimin dhe përzgjedhjen e operatoreve ekonomik, konformë kushteve formale administrative të pjesëmarrjes në tender të përcaktuara në njoftimin për kontratë dhe në dosjen e tenderit dhe me këtë rast ka shkel nenin 56 të LPP-së.

➤ **Neni 59, Vlerësimi ekzaminimi dhe krahasimi ,**

Pretendojmë se Autoriteti kontraktues ka vepruar në kundërshtim me nenin 59 të LPP-se në momentin kur ka marrë vendim për eliminimin e Grupit të OE: "MEB LLC"& KSF"Major"SH.A, i cili ka ofruar dëshmi dokumentare mbi plotësimin e të gjitha kërkesave për kualifikim dhe pjesëmarrje në tender të cilat janë kërkuar në Njoftimin për kontratë dhe në Dosjen e tenderit konkretisht në paragrafin; 9.1 & 9.2 Kapaciteti teknik dhe profesional të Dosjes së tenderit dhe në paragrafin III-2.4 të Njoftimit për kontratë.

Në vazhdim të kësaj kërkesë po citoj Kërkesat e AK-se të përcaktuara në paragrafin 9.1&9.2 të FDT-se ;

Kërkesat mbi mundësi të teknike dhe/ose profesionale	9.1 & 9.2	Kapaciteti teknik dhe profesional: Kërkesa 1. Operatori. Kërkesa 2. Operatori Ekonomik duhet të prezantojë një Deklaratë se do të paguajë pagën bazë për punëtorë 410.00€ Bruto dhe se do të respektojë Aneksin 1 dhe Ligjin e Punës Nr.03 L-212. Po ashtu, deklarata duhet të bashkëngjitet Analiza Financiare me të gjitha llogaritjet	<i>Dëshmia e kërkuar dokumentare</i> . Dëshmia 2. Të dëshmohet me një Deklaratë dhe Analizë Financiare të vulosur dhe të nënshkruar. Analiza financiare duhet të përfshijë Pagën bazë 410.00€ Bruto, të pasqyruara me të gjitha obligimet ligjore sipas Ligjit të Punës Nr.03 L-212. OE duhet të paraqesë analize financiare me shkrim se si ka ardhur deri të çmimi përfundimtar e ku kjo analizë duhet të përfshijë -Pagat bazë Bruto 410.00 € për punëtorë, Kontributet pensionale (kontributi i punëtorit 5%, kontributi i punëdhënësit 5% si dhe tatimi mbi paga), -Pagesat shtesë për ndërrimet e natës për 4 punëtorët që punojnë 12 orësh, -Pagesën shtesë për orët gjatë vikendit, -Pagesën shtesë për festat zyrtare, -Pushimet vjetore dhe mjekësore, - Vlera nga dy palë uniforma verore dhe dy palë dimërorë për 5 punëtorët, -Paga, më të gjitha kontributet për pozitën e menaxherit apo përgjegjësit nga
--	-----------	---	--

		<p>kompania për mbikëqyrjen e punëtoreve, e cila pagë nuk mund të jete më e vogël se paga bazë Bruto e punëtoreve; -TVSH-ja 18%, llogaritja në fund për të gjitha pozicionet, si dhe, -Totali i ofertës. Analiza financiare duhet të llogaritet me radhë sipas pozicioneve të kërkuara dhe çdo llogaritje e formës tjetër, e bën OE-në të papërgjegjshëm.</p> <p>4. Të dëshmohet me raport të vlerësimit të riskut nga një institucion apo kompani private e licencuar për Vlerësimin e Riskut.</p>	<p>Kërkesa 4. Operatori Ekonomik duhet të prezantojë Raportin e Vlerësimit të riskut, të lëshuar nga një institucion apo kompani private e licencuar për Vlerësimin e Riskut.</p>
--	--	---	---

Bazuar ne dosjen e tenderit te cilën e ka dorëzuar Parashtruesi i ankeses, pretendojmë se Grupi i OE " MEB LLC& KFS"MAJOR" SH.A . " ka ofruar dëshmitë konforme Kërkesës 9.1&9.2 te FDT-se Dosjes se tenderit dhe Njoftimit për kontrate të AK-se. Ne vijim do te përpiqemi qe t' i argumentojmë pretendimet tona, dhe atë si në vijim;

Pretendimi i AK-se për eliminim.

AK ne letrën standarde për tenderues te eliminuar nder te tjera ka konstatuar se;

1.Komisioni i vlerësimit ka konstatuar ofertën e juaj të pa përgjegjshme sepse oferta e juaj me çmimin më ultë çmimi real për arsye se ju keni kalkuluar çmimin për orën e punëtorit duke filluar nga çmimi i orës neto 1.04 euro ne vend se te kalkulohet nga çmimi i orës 2.33 euro bruto siç është kërkuar ne DT, gjithë ashtu keni kalkuluar gabim orët dhe vlerat e çmimeve për pozicionet (Orët e festave, orët e vikendeve , vlerën e pushimeve mjekësore) me pak se orët reale që i takojnë çdo punëtori për orët shtese sipas Ligjit Nr.03/L212 të punës. Ne vazhdim të arsyetimit të eliminimit AK ka bere kalkulime ne analizën ofertën financiare si dhe është përpjekur me arsyetuar eliminimin duke u bazuar ne nenin 61 te LPP-se.

2. Komisioni vlerësues gjate shqyrtimit te ofertës ka evidentuar se ju mungon raporti i vlerësimit riskut , te lëshuar nga një institucion apo kompani private e licencuar për vlerësimin e riskut, OE ka prezantuar një

kontrate e cila është e lidhur për kryerjen e shërbimeve për ndonjë aktivitet tjetër si dhe është me afat te skaduar.

Argumenti 1.

Parashtruesi i ankesës ka nënshkruar Deklaratën, ku ka marre përgjegjësinë që gjatë periudhës së ekzekutimit të kontratës do të i paguaj minimumin 410 euro pagën mujore Bruto për një punëtor të sigurimit fizik, i cila ka qenë kërkesë formale administrative për kualifikim dhe përzgjedhje të OE e AK-se si dhe ka ofruar Analizë të detajuar financiare lidhur me pagesën e pagës Bruto si dhe obligimeve tjera të cilat burojnë nga Ligji i punës dhe Ligji për administrimin e procedurave tatimore.

AK ka zbatuar gabimisht nenin 31 paragrafin 1 dhe 2, të LPP-se në kohën e përgatitjes së dosjes së tenderit dhe Njoftimit për kontratë duke përcaktuar kriteret për kualifikim dhe pjesëmarrje në tender.

Në njoftimin për kontratë dhe në dosje të tenderit në paragrafin e mësipërm ka kërkuar nga OE Operatorët Ekonomik duhet të prezantojë një Deklaratë se do të paguajë pagën bazë për punëtorë 410.00€ Bruto dhe se do të respektojë Aneksin 1 të dosjes së tenderit ku ndër të tjera është kërkuar që të respektohet Ligjin e Punës Nr.03 L-212. Po ashtu, deklarata duhet të bashkëngjitet Analiza Financiare me të gjitha llogaritjet.

Autoriteti kontraktues në rastet e tilla kur kërkohen analiza të tilla financiare duhet vetë autoriteti kontraktues të i saktësojë se cilat elemente (pozicione) të shpenzimeve duhet të përfshihen në analizën financiare dhe të paraqes formën e tilla në formën Excel të bazuar në Ligjin e punës dhe Ligjin mbi procedurat e administratës tatimore dhe atëherë të mbetet vetëm obligimi i operatorëve ekonomik plotësimi i tyre me çmime dhe në këtë mënyrë mund të bëhet krahasueshmëria e shpenzimeve (analizave) në mes të operatorëve ekonomik ofertues.

Nëse i qasemi përshkrimit të çmimit shohim se AK ka kërkuar;

NR.I ART.	PËRSHKRIMI	NJËSIA	Sasia e Orëve për 1 muaj	ÇMIMI PËR NJËSI ME TVSH €	Çmimi TOTAL për 1 muaj me TVSH €	Çmimi TOTAL me TVSH € X 24
1	Sigurimi fizik i objektit të Spitalit të Përgjithshëm Vushtrri	Orë	960			
TOTALI I PËRGJITHSHËM ME TVSH PËR 24 MUJ						

- Sasia e parashikuar është vetëm sasi Indikative. Devijimi i lejuar nga sasia totale indikative është $[+/- 30\%]$.

Çmimin për njësi për 1 muaj që donë të thotë se Autoriteti kontraktues ka kërkuar nga OE që të ofertojnë për 960 ore për një muaj, ndërsaq në Aneksin 1 të dosjes së tenderit ka kërkuar;

Ne vijim te kësaj kërkesë po citoj disa pjese te cilat kane te bëjnë me implementimin e kontratës te specifikuar ne aneksin 1 te dosjes se tenderit.

- Operatori ekonomik duhet qe ti angazhoj:
- 5 punëtor me page mujore bazë **410.00 euro Bruto**.
- 2 Ndërrime te punës nga 07:00 - 19:00 dhe 19:00 – 07:00
- Gjatë intervalit 24 orë janë të përfshire 2 punëtorë me nga 12 orë (12+12)
- Gjatë ditës është I përfshirë 1 punëtor me një orar zyrtar prej 8 orë (7:00h ÷ 15:00h), i cili e bënë sigurimin në të njëjtin objekt të Spitalit.

Totali i orëve për 1 muaj është: 960 orë

Kompania obligohet ta respektoj **Ligjin e Punës** në fuqi si dhe **Ligjin për Shërbime Private të Sigurisë 04/L-004**, të Republikës së Kosovës.

Operatori Ekonomik duhet të prezantojë një deklaratë se do të paguajë pagën bazë për punëtorë 410.00 € Bruto dhe se do të respektojë Aneksin 1 dhe Ligjin e Punës Nr.03/L-212.

Po ashtu deklaratës duhet ti bashkëngjitet Analiza Financiare me të gjitha kalkulimet e kërkuara.

-Sasia e parashikuar është vetëm sasi Indikative. Devijimi i lejuar nga sasia totale indikative është [+/- 30%].

- 1 Ofertuesi duhet ta respektoj **Ligjin e Punës nr. 03/L-212** dhe **UA 09/2017** të MPMS në lidhje me orët e punës për punëtorët.
- 2 Kompensimin e të ardhurave mujore (paga) në vlerë **jo me te ultë se 410.00 € Bruto** në muaj dhe të paguaj të gjitha kontributet për punëtorët sipas Ligjit të punës nr. 03/L-212 . **Sqarim: OE, duhet te dëshmoj me një deklaratë që paga minimale për punëtorët e sigurimit fizik, do të jetë sipas këtij kriteri (410.00€ Bruto) dhe kjo deklaratë duhet të jetë në dosjen e OE i cili konkurren në këtë tender..**
- 3 Kontraktuesi duhet të sigurojë uniformën relevante për punëtorët e sigurimit, pajisjet, mbikëqyrjen, punën dhe lehtësitë e duhura për kryerjen e punëve. **Sqarim: Uniforma duhet të jetë relevante për çdo punëtorë me qellim që të dallohet stafi nga punonjësit tjerë dhe të siguroj mbarëvajtjen sa më të mirë në punë.**

Vërejtje: Operatori ekonomik është i obliguar që të prezantoj analizën financiare me shkrim se si ka ardhur deri te çmimi përfundimtar, ku kjo analizë do të përfshijë :

- Pagat bazë Bruto 410.00 € për punëtorë, me te gjitha kontributet si dhe tatimi mbi paga.
- Pagesat shtesë të ndërrimit të natës për 4 punëtor të cilët punojnë 12 orësh, sipas specifikacionit ne dosje te tenderit. Kontraktori është i obliguar që të respektoj ligjin e punës nr. 03/L-212,

- Zëvendësimet e punëtorëve me rastin e pushimeve vjetore dhe pushimeve Mjekësore (sipas ligjit të punës nr.03/L-212)
- Ndërrimi i Vikendeve (kalkulimi sipas ligjit të punës nr.03/L-212),
- Ndërrimi i festive zyrtare sipas kalanderit shtetërorë (kalkulimi sipas ligjit të punës nr.03/L-212),
- Nga dy palë uniforma verore dhe dy palë dimërore për 5 punëtorët, sipas specifikacionit në dosje të tenderit
- Paga, më të gjitha kontributet për pozitën e menaxherit apo përgjegjësit nga kompania për mbikëqyrjen e punëtorëve cila pagë nuk mund të jete më e vogël se paga bazë Bruto e punëtorëve.
- Llogaritja e TVSH-së 18% në fund për të gjitha pozicionet si dhe,
- Totali i ofertës.

Çmimi jo normalisht i ulët i vlerësuar sipas analizës financiare e bënë tenderin të papërgjegjshëm (Neni 61 i LPP).

PËRSHKRIMI I POZICIONEVE

Nr.	Përshkrimi	Numri i punëtorëve	Numri i orëve për një punëtorë	Numri i orëve gjatë një dite	Numri i orëve për një muaj
1.	Per sigurimin e objektit 12 orësh	2	12+12	24	360
2.	Për sigurimin e objektit 8 orësh	1	8	8	240
3.	Per sigurimin e objektit 12 orësh	2	12+12	24	360
Totali i orëve					960

Duke pasur parasysh faktin që AK është bazuar në nenin 31 të LPP-se i cili përcakton Ekzekutimin e kontratave,

Ne vijim citoj paragrafi 2 i këtij neni;

t “ *Autoritetet Kontraktuese mund të referohen në kushtet e performancës së kontratës në veçanti atyre të cilat kanë të bëjnë me mbrojtjen e mjedisit, mbrojtjen e punëtorëve dhe kushteve të punës të cilat janë në fuqi me ligj apo me rregullore në Kosovë ,me kusht që këto kushte të përfshihen në shpalljen e kontratës dhe në specifikimet teknike. Autoriteti kontraktues mund të vendosë, ndër të tjera, kushte specifike në kontratë të cilat lejojnë që objektivat sociale të merren parasysh”*

Rregullorja nr001/2022 për Prokurimin Publik në nenin 17.23 17.24,17.25 që ndërlidhet me nenin 31 të LPP-se përcakton ;

Citoj nenin 17.23 -17.25 përcakton si ne vijim;

17.23 Në përputhje me nenin 31, paragrafi 1 i LPP-se, Autoritetet kontraktuese mund të vendosin kërkesa të veçanta në lidhje me mënyrën se si kontrata duhet të ekzekutohet, me kusht që kërkesat mos të shkelin parimet e Nenit 7 të LPP-se dhe që janë paraqitur

në dosjen e tenderit. Kërkesat e tilla në lidhje me ekzekutimin e një kontratë kanë qëllim të sigurojnë një nivel të caktuar të kushteve të punës ose të mbrojtjes së mjedisit.

17.24 Autoritetet Kontraktuese mund të referohen në kushtet e performancës së kontratës të cilat kanë të bëjnë me mbrojtjen e punëtorëve dhe kushteve të punës të cilat janë në fuqi me ligj apo rregullore në Kosovë, me kusht që këto kushte të përfshihen në shpalljen e kontratës dhe në specifikimet teknike.

17.25 Autoriteti kontraktues mund të vendos, ndër të tjera, kushte specifike në kontratë të cilat lejojnë që objektivat sociale të merren parasysh, si:

a. detyrim për të rekrutuar persona të papunë, dhe në veçanti persona të cilët nuk janë në punë për një periudhë të gjatë, ose

b. për të themeluar programe trajnimi për të papunët apo për të rinjtë gjatë zbatimit të kontratës; ose

c. detyrim për të zbatuar, gjatë ekzekutimit të kontratës, masat që janë projektuar për të nxitur barazinë midis burrave dhe grave apo diversitetit etnik ose racor.

Sidoqoftë pavarësisht nga përgatitjet e analizave financiare nga ofertuesit kërkesat e zbatimit të Ligjit të punës dhe të Ligjit mbi Procedurat e Administratës Tatimore në Kosovë dhe në bazë të ligjeve tjera në fuqi, janë obligime ligjore të mbikëqyrjes nga Inspektoratet përkatëse të ATK-së dhe Inspektoratit të Punës dhe duhet të zbatohen në harmoni me ligjet në fuqi.

Bazuar në aneksin 1 të dosjes së tenderit shohim se AK ka përkrahur në mënyrë specifike obligimet e OE gjatë ofrimit të kryerjes së shërbimeve të sigurimit fizik në objektet e Institutit si dhe ka theksuar se OE i cili do të shpërblehet me kontratë është i obliguar që të respektoj dispozitat e Ligjit të Punës dhe Ligjit për sigurimet private të sigurisë.

Pretendojmë se **nuk ka standard të analizës financiare** në kërkesat e dosjen e tenderit që është kërkuar nga Autoriteti Kontraktues. Në këtë rast AK –ja që ka kërkuar si kriter analize financiare mundet të jete subjektive në vlerësim që ka të drejtë që çdo anëtarë i komisionit të vlerësimit mundet të vendos sipas mendimit të vetë.

Të drejtat e punëtorëve që janë përcaktuar me Ligj të punës, këto të drejta janë specifikuar në aneksin 1- të FDT-se që ka të bëjë me specifikim teknik dhe kërkohen të inkorporohen në kontrata të punëtorëve.

Pas përfundimit të aktivitetit menaxheri i kontratës kur të nënshkruhet kontrata ndërmjet AK- dhe OE, pastaj AK ua kërkon kontratat krejt punëtorëve të OE me kushtet, specifikimet teknike që janë kërkuar në dosjen e tenderit nëse nuk i ka atëherë kërkohet ti plotëson OE,.

Për vlerësim të kushteve të punës në mes punëdhënësit dhe punëmarrësit si palë në marrëdhënien juridike të punës e që hyjnë në Kontrate të punës i takon Ligjit të punës, a është respektuar Ligji i punës, këtu vendosin *ex o ficio* apo me kërkesë (ankese) të punonjësve, Organet kompetente administrative të shtetit (Inspektorati I punës , Inspektorët e ATK-se) dhe në fund Gjykata duke u bazuar në kushtet e kontratës.

Pretendojmë se AK duke vendosur si kusht formale administrativ Analizën financiare ka vepruar në kundërshtim me neni 17.23 17.24, 17.25 dhe 17.26 të Rregullores për Prokurimin Publik (Nr001/2022) pasi këto dispozita ju referohen kushteve të kontratës e në këtë rast nuk është përgjegjësi e AK-se ti shqyrtoj.

Në analize financiare nuk mundën me u caktuar të gjitha kërkesat që kërkohen

me Ligjin e prokurimit, me Ligjin e punës, me Ligjin e lehonisë me Ligjin mbi sigurimet e punëtorëve, me Ligjin e festave zyrtare, dhe me ligjet tjera të aplikueshme në Kosovë.

Marre parasysh faktin që AK në mënyrë të kundërligjshme ka caktuar Analizën financiare si kusht për kualifikim dhe përzgjedhje të OE, pretendojmë se OE "Scorpion" i cili ka nuk ka ofruar Analizën financiare konforme kërkesës së AK-së.

Nëse i qasemi Analizës financiare të dorëzuar me dosje të tenderit shohim se OE i propozuar për shpërbllim të kontratës, do të shohim se i lartë shënuari nuk ka ofruar çmime konforme kërkesave të Ligjit të punës dhe kërkesave tjera të përcaktuara në aneksinë të dosjes së tenderit.

Sa për ilustrim vetëm dy tri pozicione po i përshkruaj;

Te Pozicioni, Kalkulimi i uniformave shohim se OE ka ofruar çmimin total në vlerë prej 36 euro, që sipas mendimit tonë është çmim që nuk është në harmoni me numrin e punëtorëve.

OE në fund të analizës financiare ka theksuar me sa vijon në rubrikën Kalkulimi i uniformave ka theksuar me sa vijon;

Kompania e jone posedon sasi të konsiderueshme të uniformave dhe ky çmim i paraqitur është në përputhje me nenin 40.16 të Rregullores Nr.001/2022.

Ky arsyetim i OE është në kundërshtim me nenin 40.16 të rregullores Nr.001/2022 për Prokurimin Publik sepse neni 40.16 përcakton me sa vijon.

40.16 Në rast se OE, ofron çmimin me 0.00 Euro për një artikull/pozicion të veçantë mund të ketë arsye të ndryshme dhe për këtë arsye nevojitet që të dërgohet një pyetje sqaruese tek Operatori Ekonomik duke kërkuar shpjegim për pozicionin 0.00 Euro.

a. Nëse Operatori Ekonomik pranon se ai artikull i veçantë nuk është i përfshirë në tender, tenderi duhet të refuzohet.

b. Nëse Operatori Ekonomik thotë se ky artikull është ofruar falas, tenderi duhet të refuzohet pasi që dhuratat nuk janë të pranueshme.

Bazuar në këtë fakt pretendoj se OE: Scorpion ka tentuar që të i ve në lajthitje juridike Autoritetin kontraktues duke cituar një dispozitë e cila nuk korrespondon me arsyetimin e mos llogaritjes së çmimeve për dy pale uniforma për 5 punëtor.

Vlen të theksohet se AK në Specifikimin teknik ka kërkuar Uniforma verore dhe uniforma dimërore për 5 punëtor.

Përveç këtij pozicioni OE i rekomanduar për kontratë në ofertën e tij financiare ka ofruar çmime jo reale edhe në këto pozicione;

Pozicioni 5 –pushimet vjetore dhe pozicioni 6, Pushimet mjekësore, kalkulimi i pagës për pushimet vjetore dhe mjekësore, për një muaj ka ofertuar me çmim prej 32.78 euro në muaj, që done të thotë se kalkulimi nuk është bërë në harmoni me kërkesën e AK-së sepse pushimet mjekësore nuk mund të parashihen sepse janë rrethana të pasigurta të cilat mund të ndodhin ose mos të ndodhin dhe çdo kalkulim financiar për kompensim të pushim mjekësor është fiktiv.

Këto të drejta janë të përcaktuara me Ligj të punës dhe me kontratë të punës.

Duke u bazuar në dëshminë dokumentare të OE "Scorpion, pretendoj se analiza e tij financiare nuk është në pajtim me kërkesën e AK.

AK është dashur që ta eliminojë nga gara e mëtejme këtë OE.

Duke pasur parasysh faktet e lartshënuara pretendojmë se AK gjatë zhvillimit të procedurës së vlerësimit, ekzaminimit dhe krahasimit të tenderit ka bërë shkelje të nenit 59 të LPP-se.

➤ **Neni 60 Kriteret për dhënie kontratës**

Pretendojmë se AK përmes Komisionit për vlerësimin, ekzaminimin dhe krahasimin e tenderit me vendimin e vet për të shpërblyer me kontratë një OE i cili në është rekomanduar për shpërblyerje të kontratës dhe ka ofruar çmimin me të lartë në vlerë prej 90,316.80 euro në krahasim me çmimin e ofruar nga parashtruesi i kërkesës për rishqyrtim i cili ka ofruar çmimin me të ulte në vlerë prej 86,169.60 €, dhe është eliminuar, ka bërë shkelje të dispozitës së nenit 60 të LPP-se, duke mos respektuar Kriterin për dhënie të kontratës i cili ka qenë i përcaktuar në Njoftimin për kontratë dhe në dosje të tenderit; Çmimin më të ultë, i tenderit të përgjegjshëm. Citoj dispozitën e nenit 60 të LPP-se;

1. Autoriteti kontraktues do t'ia jap kontratën publike operatorit ekonomik që ka dorëzuar:

1.1 tenderin e përgjegjshëm me çmimin më të ultë;

Duke pasur parasysh faktet e lartshënuara si dhe dispozitat e nenit 60 të LPP-se pretendojmë se AK ka bërë shkelje të dispozitave të këtij neni me rastin e marrjes së Vendimit për dhënie të kontratës për OE i cili për nga çmimi është më të lartë, pra AK nuk ka respektuar Kriterin për dhënie të kontratës.

➤ **Neni 61, Tenderët Jo-Normalisht të ultë**

Pretendojmë se AK fillimisht përmes rekomandimit të Komisionit për vlerësimin, ekzaminimin dhe krahasimin e tenderit dhe me vone përmes aprovimit të ZPP-se, ka bërë shkelje të dispozitave të nenit 61, paragrafi 3, të LPP-së dhe me këtë rast gabimisht ka vlerësuar se çmimi i dhënë në tender është çmim i cili nuk është në pajtim me kërkesën e AK-se dhe si rrjedhojë e kësaj ka vlerësuar tenderin në kundërshtim me Ligjin e Prokurimit Publik.

LPP në RK në nenin 61 në mënyrë detale parasheh kushtet të cilat duhet të plotësohen në mënyrë që të kualifikohet një tender si tender me çmim Jo –Normalisht të ultë.

LPP dhe Rregullorja për Prokurimin publik obligon AK që nëse OE ofron oferte me çmime jo normalisht të ultë edhe vetëm për një pozicion të cilin ka ofertuar.

Nëse i qasemi Ofertës financiare të Grupit të OE të rekomanduar për kontratë do të shohim se të Pozicioni, Kalkulimi i uniformave shohim se OE ka ofruar çmimin total në vlerë prej 36 euro, që sipas mendimit tonë është çmim normalisht i ulte dhe nuk është në harmoni me numrin e punëtorëve.

Vlen të theksohet se AK në Specifikimin teknik ka kërkuar Uniforma verore dhe uniforma dimërore për 5 punëtor.

Përveç këtij pozicioni OE i rekomanduar për kontratë ne ofertën e tij financiare ka ofruar çmime te ultë edhe ne këto pozicione 5 –pushimet vjetore dhe pozicioni 6 kalkulimi i pagës për pushimet vjetore për një muaj ka ofertuar me çmim prej 32.78 euro ne muaj, qe done te thotë se kalkulimi nuk është bere ne harmoni me kërkesën e AK-se sepse punëtorëve përveç pushimit vjetor i takon e drejta edhe ne kompensim te mungesës nga pune ne harmoni me Ligj te punës (martesës, lindjes se femiut, vdekjes se anëtarit te ngushtë te familjes etj)

OE i propozuar për kontratë ka kalkuluar pagën mujore edhe për Menaxher te kontratës nga ana e OE, ndërkaq ne FDT nuk është kërkuar paga e tij.

AK është dashur ta eliminoj nga aktiviteti i prokurimit OE :Scorpion për arsye se nuk ka kalkuluar çmimet ne baze te kërkesave te AK-se.

Pretendojmë se Autoriteti Kontraktues ka dështuar në vlerësimin ekzaminimin dhe krahasimin e tenderit , duke vlerësuar gabimisht ofertën e Grupit te OE te eliminuar “MEB LLC “&K.F.S ”Major” SH.A si ofertë me çmim Jo-Normalisht të ultë edhe përkundër ofrimit te **Deklaratës se nënshkruar dhe vulosur se** Grupi i OE ne rast se shpërblehet me kontratë, do te i përmbush te gjitha kërkesat e AK-se, sa i përket pagesës se pagave dhe tatimeve te aplikueshme ne Kosove, të dhëna mbi arsyesh mërinë e çmimit të dhëne në ofertën financiare si dhe do te respektoj dispozitat e Ligjit te punës.

Pretendojmë se oferta financiare, ka qen ofertë reale dhe e bazuar në çmimet reale në tregun e punës se Kosovës.

II/ Rregullores Nr.001/2022 për Prokurimin Publik te datës 01.11.2022.

Neni 38, Sqarimi i tenderëve,

Pretendojmë se Komisioni për vlerësimin, ekzaminimin dhe krahasimin e tenderit ka vepruar ne kundërshtim me nenin 38.3 te Rregullores për Prokurimin Publik.

Neni 38.3 i Rregullores nr.001/2022 për Prokurimin Publik ne mënyrë te qarte përcakton rastet se kur Autoriteti kontraktues duhet të kërkoj ndonjë informacion apo dokumente te cilat i mungojnë OE ne dosjen e tij te tenderit.

Duke u bazuar ne nenin 38.3 te Rregullores i cili shprehimisht përcakton se këto dokumente, megjithatë, në mënyre objektive duhet të prezantojnë prova të mjaftueshme që në mënyrë të arsyeshme pasqyrojnë gjendjen ekzistuese para datës se publikimit të Njoftimit për kontrate, i cili ne rastin konkret Autoriteti kontraktues nuk ka vepruar në harmoni me nenin 59 të LPP-se që ndërlidhet me nenin 38 të Rregullores Nr.001/2022 për Prokurimin Publik.

Citoj dispozitën e nenit 38.3 te Rregullores.

38.3 Megjithatë, lejohet që një autoritet kontraktues gjatë vlerësimit të kërkoj dhe të marrë informacione apo dokumente, të cilat mungojnë në aplikacion/tender. Këto dokumente, megjithatë, në mënyre objektive duhet të prezantojnë prova të mjaftueshme

që në mënyrë të arsyeshme pasqyrojnë gjendjen ekzistuese para datës së publikimit të Njoftimit për kontratë.

Ne letrën standarde të tenderuesit të eliminuar AK ka konstatuar se dosjes së Grupit të OE në këtë rast të parashtruesit të kërkesës i ka munguar dëshmia dokumentare konforme Kërkesës 4,

Të dëshmohej me Raport të vlerësimit të riskut nga një institucion apo kompani private e licencuar për Vlerësimin e Riskut në Kosovë.

AK është dashur të veproj në pajtim me nenin 38 të Rregullores për prokurimin Publik që ndërlidhet 72 të LPP-së duke i kërkuar sqarim të tenderit.

Në po ua bashkëngjisim raportin e vlerësimit të riskut nga një kompani private e licencuar për Vlerësimin e Riskut në vendet e punës.

Neni , 41, Tenderët jo-normalisht të ulët

Pretendojmë se Autoriteti Kontraktues ka dështuar në zbatimin e nenit 41 të e Rregullores nr.001/2022 për Prokurimin Publik të datës 01.11.2022 që ndërlidhet me nenin 61 të LPP-së.

Nëse i referohemi nenit 41.1 të kësaj Rregulloreje shohim se si duhet të veprohet, kur AK konsideron se një oferte e dorëzuar duhet të trajtohet si oferte e pa realizueshme gjatë implementimit të kontratës dhe me çmim që sipas LPP-së dhe Rregullores së Prokurimit publik trajtohet Çmim-normalisht i ulte.

Në nenin 41 të kësaj Rregulloreje koncepti i tenderit jo-normalisht të ulët i referohet tenderëve që për autoritetin kontraktues në shikim të parë duken si jo të besueshëm nëse krahasohet me objektin e kontratës dhe në përputhje me rrethanat, dhe që ka gjasa për një ndikim negativ në performancë të implementimit të kontratës.

Baza në paragrafin 41.2 Në çdo rast, kur ka një prag për tender jo-normalisht të ulët, ndalohet përjashtimi automatik i ofertave jo-normalisht të ulëta pa përdorur një procedurë **inter partes** me operatorin përkatës ekonomik për shqyrtimin e tenderit i cili konsiderohet nga autoriteti kontraktues si jo-normalisht i ulët.

Bazuar në platformën e -prokurimit nuk kemi vërejtur se AK, i është drejtuar OE me Letrën standarde për tenderues jo-normalisht të ulte siç e përcakton LPP dhe legjislacioni dytësor si dhe obligimin tjetër ligjor që të njoftohet KRPP-ja.

Në këtë situatë AK është i obliguar që; të kërkojnë nga operatorët ekonomik për të shpjeguar çmimin e ofruar për tenderët e përgjegjshëm, si dhe ta i përmbahet kushteve të përcaktuara si në vijim;

- i. çmimi i ofruar është më shumë se 30% më i ulët se çmimi mesatar i tenderëve të përgjegjshëm;
- ii. çmimi i ofruar është më shumë se 10% më i ulët se çmimi ose kostot e tenderit të dytë më të ulët;
- iii. janë dorëzuar të paktën 3 (tre) tenderë.

Në baze të Njoftimit mbi Vendimin e AK-se (B58) shohim se në këtë tender kanë marrë pjese 4 tenderues.

1. Grupi i OE: MEB LLC& KSF"MAJOR" SH.A i cili ka ofertuar me çmimin total në vlerë prej 86,169.60 euro
2. "Kompania e Sigurimit Fizik, "Scorpion", i cili ka ofertuar me çmimin total në vlerë prej 90,316.80 euro ,
3. "Kompania e Sigurimit Fizik "SAS"sh.p.k i cili ka ofertuar me çmimin total të tenderit; në vlerë prej 86,169.60 euro.
4. "Kompania e Sigurimit Fizik " Besa Security" i cili ka ofertuar me çmimin total të tenderit; në vlerë prej 79,948.80 euro

Në baze të letrave standarde shohim se 3 OE janë eliminuar në baze të një pragu i cili është dashur të jetë Vlera e parashikuar e kontratës e cila është e caktuar nga ana e AK-se 96,000.00 euro ,sepse AK gjatë përcaktimit të vlerës së parashikuar ka kalkuluar të gjitha nën kriteret të ciklat duhet të plotësohen në ofertën financiare.

Autoriteti kontraktues është dashur të veprojë në pajtim me nenin 41.4 të Rregullores i cili përcakton me sa vijon;

41.4 Kur tenderët duken të jenë jo-normalisht të ulët për arsye të tjera nga ato të parashikuara në paragrafin 41.3 të kësaj rregullore, autoritetet kontraktuese mund të vlerësojnë besueshmërinë e tenderëve të tillë dhe rrjedhimisht të kërkojnë shpjegime në përputhje me paragrafët e mëposhtëm dhe nenin 61 të LPP-së

Pretendojmë se AK nuk ka baze ligjore për të trajtuar ofertën me çmim jo normalisht të ulte konforme nenit 41.3 të Rregullores që ndërlidhet me nenin 61 të LPP-se.

Duke pasur parasysh këto fakte i propozoj Zyrtarit Përgjegjës të Prokurimit që pas aplikimit të dispozitave të LPP-se që kanë të bëjnë me nenin 59 dhe nenin 61 të LPP-se të marrë këtë;

Duke pasur parasysh këto fakte i propozoj Panelit të OSHP-se që të pas administrimit të provave dhe fakteve që të marrë këtë;

VENDIM

- **TE APROVOJ**, Ankesën si të bazuar të parashtruar nga Grupi OE; MEB LLC&K.S.F" MAJOR" ,
- **TE ANULOJ** , Njoftimin mbi Vendimin e AK-se të datës 14 .06. 2024 mbi rezultatin e tenderit (B58) ku është propozuar për shpërblim të kontratës OE: "Scorpion" i cili ka ofertuar me çmimin total të tenderit më të lartë në krahasim me parashtruesit e kërkesës
- TE KTHEJ TENDERIN NË RIVLERESIM**, dhe vlerësimi të bëhet në pajtim me kriteret për dhënie kontratës dhe kriteret e përzgjedhjes të cilat janë të përcaktuara në njoftimin për kontratë dhe në FDT të dosjes së tenderit në pajtim me LPP-ne, Rregulloren për Prokurimin Publik dhe Udhëzuesin për Prokurim Publik të vitit 2023.

Mbetemi me shpresë se ankesa e jone do të shqyrtohet pozitivisht.
 Me nderime,
 Lideri i Grupit të OE MEB LLC & KSF "MAJOR"
 Silaaytolun Damka



7. Dëmet materiale

Përkrahja mënyrë se si shkelja e supozuar ka shkaktuar ose kërcënohet t'iu shkaktojë dëme materiale, në rast se përfshini pretendime për kompensim.

Deri më tani dëme materiale në vlerë prej 250 euro për përgatitjen e Kërkesës për rishqyrtim

8. Lista e dokumenteve (dëshmi) të bashkangjitura

Nëse aplikohet, bashkëngjitni kërkesës dokumentet e renditura më poshtë:

- a) një kopje të publikimit të "Njoftimit për Kontratë"
- b) një kopje të publikimit për "Njoftimin mbi vendimin e AK-se" (B58)
- c) një kopje të "Procesverbalit të hapjes publike të tenderëve"
- d) një kopje të Raportit për vlerësimin e riskut në vendet e punës,
- e) një kopje të Kërkesës për rishqyrtim,
- f) një kopje të Vendimit për refuzimin e kërkesës për rishqyrtim të AK-se të datës 20.06.2024.